

LETOTO LA DINGOLWA TSE KGUTSHWANE TSA ATLEHA-EDU

Sepheo sa rona ho Atleha ke ho thusa MaAfrika Borwa ho boloka le ho jala matsete bakeng sa bokamoso bo ntlafetseng.

Re etsa sena ka boikamahanyo le Khoutu ya Sektara ya tsa Ditjhelete (Financial Sector Code (FSC)) - temoho le mananeo a sebeletsanang le thuso a tsepamiseditsweng maikutlo hodima batshwaredi ba matlole a ho beha meja fatshe, setho sa komiti ya botsamaisi, le mekutu ya temoho le thuto ya ditho tsa letlole, jwalo ka lena la dingolwa tse kgutshwanyane.

Re lakatsa ho leboha Old Mutual On the Money ka ho tshhetsa letoto lena la dingolwa tse kgutshwane ka ditjhelete.



**HO BOLOKA LE HO JALA
MATSETE NAKONG YA HO HLOKA
BONNETE KAPA TLOKOTSI
HO UTLWISISA PHAPANG DIPAKENG TSA
LETLOLE LA DB LE DC**

Mookamedi wa Tshwaro ya Basebetsi (HR) ya Hlomphehang:

Ke na le boikgethelo ba ho kgetha dipakeng tsa hlapiso e qaqisitsweng kapa tlatsetso e qaqisitsweng ya letlole la penshene ho mohiri wa ka wa ka moso. Ka kopo na o ka hlalosa phapano?

Mosebetsi wa Kamoso ya Hlomphehang:

• **Letlole la Hlapiso le Qaqisitsweng** le fana ka hlapiso ya penshene kapa ho beha meja fatshe e tiiseditsweng e sebetswang ho ipapisitswe le palohare ya moputso wa bofelo e atisitsweng ka palo ya dilemo tsa hao tsa botho letloleng la lona la dipenshene jwalo ka mosebetsi. Sekgahla seo o tlatsetsang ka sona letloleng ka tlwaelo se tsitsisitsweng e le phesente ya moputso wa hao. Sekgahla sa tlatsetso sa mohiri wa hao ho hlapiso ya hao ya ho beha meja fatshe ka tlwaelo e sebetswa ke molekanyi wa letlole ya sebetsang sekgahla seo ka sona mohiri a tla hloka ho tlatsetsa letloleng ho kgonahatsa hore letlole leo le lefe hlapiso e tiiseditsweng – kapa hlapiso ya penshene e qaqisitsweng – ha o beha meja fatshe.

Temoso ya bohlokwa: Letlole la Hlapiso e Qaqisitsweng, mohiri wa hao o jara monyetla wa kotsi wa hore letlole le lokela ho tiisetisa penshene eo o lokelang ho e fumanana kamora ho beha meja fatshe.

• **Letlole la Tlatsetso e Qaqisitsweng** le o fa hlapiso ya penshene ha o beha meja fatshe e sebetswang ho ipapisitswe le ditlatsetso tse bokellaneng tse entsweng letloleng ke wena jwalo ka mosebetsi (le/kapa, moo ho lokelehang, ditlatsetso dife kapa dife tse entsweng ke mohiri wa hao). Dipollo tse fumanwang letseteng la ditlatsetso tseo, ha ho hutswe ditjeo tsa ho tsamaisa letlole le ho fana ka dihlapiso tsa ho shwa le kgothalo, di kopanngwa hlapisong ya penshene. Dikgahla tseo wena le mohiri wa hao le tlatsetsang ka tsona ho letlole di tsitsisitswe e le phesente ya moputso wa hao.

Temoso ya bohlokwa: Letloleng la Tlatsetso e Qaqisitsweng, boleng ba penshene e o lokelang ha le tiisetse, empa le tsitsisitswe hodima ditlatsetso tseo wena le mohiri wa hao le di entseng ho matsete a letlole la hao la ho beha meja fatshe, a kopantsweng le tshebetso ya letlole. Sena se bolela hore wena jwalo ka setho – eseng mohiri wa hao - o jara monyetla wa kotsi le dipollo tsa tjhelete ya letlole la penshene ya hao ya bofelo eo o e fumanang ha o beha meja fatshe.

KAKARETISO YA DIBOPEHO TSA BOHLOKWA TSA HLAPIO E QAQISITSWENG LE MATLOLE A DITLATSETSO TSE QAQISITSWENG

	Hlapiso e Qaqisitsweng	Tlatsetso e Qaqisitsweng
Setho se tlatsetsa	Phesente e tsitsiseng ya moputso (ka tlwaelo e dipakeng tsa 5% le 7.5%)	Phesente e tsitsiseng ya moputso (ka tlwaelo e dipakeng tsa 5% le 7.5%) empa ba ka nna ba etsa ditlatsetso tsa boikgethelo
Khampani e tlatsetsa	Tjhelete e hlokehang bakeng sa hlapiso e tiiseditsweng ya penshene, jwalo ka ha e sebeditswe ke moaktjhuari nako le nako	Phesente e tsitsiseng ya moputso wa mosebetsi
Hlapiso ya ho beha meja fatshe	Hlapiso e tsitsisitsweng, jwalo ka ha e hlalositse melawaneng ya letlole (ho latela fomula e behilweng)	Hlapiso ya penshene ho ipapisitswe le ditlatsetso tsohle tse entsweng, mmoho le dipollo tsa matsete tse hutswe ditjeo, tse hutswe ditjeo tsa menyella ya kotsi ya dihlapiso le tsamaiso
Tshebetso ya hlapiso	Fomula e behilwe hodima: <ul style="list-style-type: none"> Moputso wa bofelo kapa palohare ya moputso wa bofelo Palo ya dilemo o le setho sa letlole 	Ka tlwaelo ke phesente kapa katso ya moputso mme e batla e le kamehla e inshorwang botjha ho rainshoreense
Dihlapiso tse ding tsa menyella ya kotsi	Ka tlwaelo e tsitsisitswe hodima difomula le menyella ya kotsi, ka tlwaelo e jarwa ke letlole la ho beha meja fatshe kapa ho inshorwa botjha ke rainshoreense	Ka tlwaelo ke phesente kapa katso ya moputso mme e batla e le kamehla e inshorwang botjha ho rainshoreense
Tlhoko ya tsamaiso	E tsamaiswa ka matla, haholoholo haeba ho se dihlapiso tse inshorilweng kapa tse fumanwang ka ntle	Ho hutswe tsamaiso e rarahaneng, ntle le haeba ditho di fuwa monyetla wa ho fetola dipotefolio tsa matsete kgafetsa
Monyetla wa kotsi wa tshebetso ya matsete	E jarwa haholo ke mohiri	E jarwa ke mohiri / kapa mosebetsi

Na o na le potso eo o batlang hore re e arabe mabapi le sengolwa se tla latela? Haeba ho jwalo, ka kopo romela dipotso tsa hao kapa ditlahiso bakeng sa dihlooho tsa sengolwa seo ka imeile ho: info@atleha-edu.org